

## **Nia i agn**

*Nia i agn  
ne fej gní doioses  
les losöres,  
co liëia adöm  
dis y riüdes  
y forza y fadia  
y sofli de sorëdl  
y ombría  
nia i agn.  
Mo l'empormetiüda  
malsogüida  
o falza  
o inçe l'üsanza  
da ester tres medemi  
y mai sè enstësc  
tai dis,  
co è tres  
danö.*

*Tresele Palfrader*

## **Tö**

*Tö,  
tal ont de má  
entrês cíamó.  
Can zedará mo  
les corsciares  
da florí tan a blanch?  
Töa cíaradöra  
è da flus  
y l'ont  
nes ô bun  
a nos dui.*

*Tresele Palfrader*

## ***Le tomp***

*Danter les mores dal tomp vai a perde  
mi dis, mi püri cotai.  
Se spidicia y stöpa demez  
sfrogherusc tal ultimo rai.*

*Cocogna entoronn le vêre paront  
y le rí belo tan dejaiisé  
s'engröma adöm dlun scassenn.*

*Mâ l'ora bat cíamó enzai  
assulcía sapionta cí co è y co gnará.  
Rabiosa na man brančia ía y cá.*

*Tresele Palfrader*

## ***Ćiara da iestí de parores***

*Ćiara da iestí de parores  
tü sontimoné sdranês  
ch'ai ne rabësci endesniüs  
por nets döt ötes  
y ne brançi a tradimont  
dô to nojel.*

*Ch'ai ne te scialtrësci  
sc'ai t'arsësc ados  
bai blané tla scürité  
dal gran marcé dla pôra.*

*Iestí de sana razionalità  
y dáí mosöra  
y cherianza.*

*Sciágoma öta  
saráste spo,  
frëida ombria  
de tè enstës.*

*Tresele Palfrader*

### ***Vicel de mia net***

*Vicel de mia net  
sön lën bluder  
sön sorá  
sön balcun  
can vëgneste pa  
a mo dô?  
Tai ascognadus  
de mia arma  
dlaciada  
aste fat coa,  
y iu ascuti,  
ascuti da sëra  
y n'aldi  
nët nía.*

*Tresele Palfrader*

### ***homo fecit***

*Tai côi storpiês  
èl romagnü  
na sëmena de fü.  
Dô i bosc borjês  
s'á ascognü  
en ciap tal fôm.  
Al maza surt  
le chât  
tla foramonta dessorora,  
y mans y pîsc  
y embindicé val' edl  
vëi fora de mosöra.*

*Le monn ea massa vedl.*

*Tresele Palfrader*

### ***Dô Cernobyl***

*Mai degün dio  
n'á ieré  
da se fronje  
tan te stamps  
desco nosta forüda razionalité.*

*Mai degün dio  
ne s'á despié  
de diüc nüsc guané  
y á engrömé  
en cogol de soms  
martorjês  
dô üsc.*

*Nos sbürlun con püins engordi  
ennant  
engordi y plëns  
de nía.  
Y al gracia l'üsc  
y i soms vën tosc da miagn.*

*Mai degün dio  
n'á destaché le lian,  
co zilorëia  
encër l'ora dl'Anmaría.*

*Tresele Palfrader  
ladin - mareo*